

『類聚三代格』卷3 諸国講読師事元慶六年六月三日太政官符

応依実放生事

右得権僧正法印大和尚位遍照奏状僞。謹案太政官天平宝字三年六月廿三日符僞。得唐曇静法師奏状僞。夫蠢々昆蚊誰無畏死。振々翩翩走咸有愛身。故殺生招短命之報。救死保長年之福。伏請遍 勅諸国。立放生池。嚴加禁斷不許捕漁者。奉 勅。依請者。自爾而降每国置放生田。以其獲稻充贖死之資。而今聞。諸国臨放生之時。兩三日前下符諸郡々司百姓等。娶不要之蟲介。候国吏之臨視。比及数日死者過半。夫放生者所以活欲死之命続当絶之生也。今如所聞。名称放生。実似殺生。伏望。自今以後使講読師若部内浄行僧。臨漁釣之江海尋獵之山林。贖懸魚於網罟之中。救窮獸於弓矢之下。但其料物者歲始令件等僧一向領之。即年終具注所贖之色。附帳言上者。

以前条事如件。右大臣宣。奉 勅。依請。

元慶六年六月三日